

INUIT ATAQATIGIIT

Inatsisartuni



02. september 2019

Inatsisartut Suleriaasianni § 37 imm. 1 naapertorlugu Naalakkersuisunut apequt imaattoq matumuuna saqqummiuppara.

Naalakkersuisunut apequt:

- 1. Naalakkersuisut KAIR A/S-ip ataani mittarfiit sanaartorneqarnissaannut neqeroortitsinerup ingerlanneqarnera inernalu malinnaaffigisimavaat?**
- 2. A. Apequt 1 aappiuppat – Qanga Naalakkersuisunit tamanna ingerlanneqarsimava?
B. Apequt 1 naamiuppat – Sooq Naalakkersuisut taamaaliorsimangillat?**
- 3. Inatsisartut Aningaasaqarnermut Akileraartarnermullu Ataatsimiitsitaliaata mittarfissat sanaartorneqarnissaannut neqeroortitsinerup inernalu paasiumasimallugu avammut oqariartuuteqarnikuupput. Inatsisartut sinnerlugit taamatut piumasaqarneq timitalerniarlugu Naalakkersuisut KAIR A/S-imut neqeroortitsinerup inernalu piumallugu iliuseqarsimappat?**
- 4. A. Apequt 3 aappiuppat – Tamanna qanga Naalakkersuisunit suliarineqarsimava?
B. Apequt 3 naamiuppat – Sooq Naalakkersuisut piumasarineqartoq naammassisimangilaat?**
- 5. Tusagassiorfitsigut aamma uppersarnerqartumik KAIR A/S Inatsisartut Aningaasaqarnermut Akileraartarnermullu Ataatsimiitsitaliaanut Nuummiit Københavnimut suliariumannittussarsiuussinerit naammassineqarlutik atsioqatigiissutiginnissaannut nuussinini tunngavilersorsimavaa pilersaarusiornermut angallanermullu tunngasuteqartunik. Kingusinnerusukkulli KAIR A/S-ip pisortaanerata, aviisimi Sermitsiaq nr. 33 16. August 2019-imi saqqummersumi atsioqatigiinnissap nuunneqarnera politikikkut toqqissimangitsoqarneranik patsiseqartoq oqaatigalugu. Inuiaat kalaallit sinnerlugit qinikkat, pissutsit nunallu aqunneqarnerata pitsaasuunissaannik sinaakkusiisarlutillu nakkutiginnittussat; inuiaat kalaallit suliffeqarfiutaanniit taamatut eqqunngitsumik pissusilersorfigineqarnerat akuersaarneqarsinnaangilaq. KAIR A/S-ip aammalumi piginnittut sinnerlugit akisussaasut Naalakkersuisut qaqagukkat eqqortumik oqariartortarneranik apeqquusiinnaangortitsimmat. Taamak inuiaqatigiinnut Inatsisartunullu eqqunngitsumik paasissutissiineq kiap akisussaaffigivaa?**

(Inatsisartunut ilaasortaq Aqqaluaq B. Egede, Inuit Ataqatigiit)

Tunngavilersuut:

Mittarfiit sanaartorneqarnissaannut apeqqutinik ujartuineq isumaqanngilaq sanaartornissaannut akerliuneq. Ilumulli illersorsinnaasumik, massakkutut siunniussat aallaavigalugit sanaartorneqarsinnaanersut pillugit ujartuineq tassaavoq isumatusaartumik illersorneqarsinnaasumillu aaqiisoqarsinnaaneranik ujartuineq.

Mittarfissat ukiorpassuarni inuiaqatigiit aningaasatigut nammatassaraat, kaasarfiiniit inuiaqatigiittullu pigisaanniit aningaasalersorneqassammata. Soorunamilu nunatsinni aningaasaliinerit annersaat ammasumik oqallisigineqarsinnaasariaqarput. Nipangersaaneq, akerliuneraaneq tapersersuisuuneraanerlu ingerlaannaq sakkuliuttarnagu. Torersumik tunngavilersugaasumillu suliaq taamak annertutigisoq sunniuteqartussaatisorlu samminiartigu. Suliat siuariartorfiusumik ingerlanneqarnissaat kinguariartuutaannginnissaallu anguniassallugu tamatta soqutigisaraarput.